

41

D. D.
DISSERTATIO PHILOLOGICA
DE
**JUSTIFICATIONE
CHRISTI IN SPIRITU.**
Occasione dicti I. Tim. III: comm. 16.

QUAM,
Consens. Ampliss. Facultatis Philosoph. in Regia
ad Auram Academia.

PRÆSIDE
VIRO MAXIME REVERENDO atque CELEBERRIMO,
D: NO ISAACO ROSS,
S. S. L. L. PROFESS. Reg. & Ord.
PRO GRADU MAGISTERII
Publice Examinandam sifit
CAROLUS MAGN. SALLGEEN
SATACUNDENSIS.
DIE XXI. JUNII ANNI MDCCCLXIII.
L. H. Q. A. M. S.

A B O Æ,
Impressit JOH. CHRISTOPH. FRENCKELL.

Kongl. Maj:ts Tro Tjenare och Borgmästare
I Sjö-Staden Björneborg,

Ådle och Högaktade Herren

Herr LARS SACKLEEN, Högibetvågne Herre och Besordrare.

Urtag ej omildt, Gunstige Herr Borgmästare, at jag fördristat
dig, pryda närmorande shysjode Lörospän med Edart lyra-
de Namn. Jag tillstår mål, at i förfone, dels Eder viktigas Åm-
betes syslor, dels och den högaktning, jag Eder Vårda Person är
skyldig, welot atskräcka mig ifrån et så dristigt företagande: Men
en wördnadsfull åtanke af den ogemena unnest och oräkneliga mål-
gjerningar, ja, den aldeles Faderliga omsorg, hvarmed Högakta-
de Herr Borgmästaren mig och min Faders hus så kraftigt om-
fannat, då oljekans häftiga stormvåder, tid efter annan, det we-
lat öfverända kasta, har varit et beweckande skål til denna min
skyldighets i akttagande. Anse deraf Gunstigste Herre, detta
benägit, hvilket jag, såsom et ringa medermåle qf min ödmjuka-
ste wördnad, Eder har åran at upoffra. Himlen tildele Herr
Borgmästaren i ömnogaste måtto sin rika vålsignelse, samt sträc-
ke Dese älder til längsta tider i dödelsigheten!

Högaktade Herr Borgmästaren, täckes åsven hådan efter
med dese ömhet och unnest hngna mina f. Föräldrar och mig,
som däremot ställer för särdeles lycka, at med diup wördnad
til sifret få nämna

Ådle och Högaktade Herr Borgmästarens

Ödmjukaste tjenare
CARL MAGN. SALLGEEN.

Praeclarissimo Viro, Domino
**Mag. FRIDERICO REGINALDO
BRANDER.**

Scholæ Trivialis, quæ Arctopoli floret, Rectori dexterrimo Fautori omni ho-
noris cultu prosequendo.

*Plurimum Reverendo & Clarissimo
Dn. JACOBO BRANDER.*

Pastori Ecclesiarum Ulsbyensium vicario dignissimo, Fautori quavis re-
verentia colendo.

Illuxit tandem dies, multis expetitus votis, quo Vestram,
Fautores Propensissimi, erga me benignitatem, quæ qui-
dem summa est, publice prædicare licet. In tessera m ita-
que gratissimæ & venerabundæ mentis, præfens qualecunque
opusculum, nominibus Vestris dignissimis humillime sacratum
volui. Quod ut benigno, quo soletis, adspiciatis vultu, me-
que in futurum etiam, Vestro commendatum habeatis favori,
majorem in modum rogo & obtestor. Hoc si impetravero, e-
rit, de quo mihi in sinu gratulari nunquam desistam. De cæ-
tero summum rerum Moderatorem calidissimis inde sinenter
compellabo spiriis, velit Vos, Evergetæ Optimi, ad ulti-
mos mortalitatis terminos, salvos, sospites omnis que felici-
tatis flore ornatos servare, in Sui Nominis gloriam, Eccle-
siæ & reipublicæ literatiæ ornamentum Familiæque Vestrae
honestissimæ fulcrum & solatium fero desiderandum! Ita vo-
vet & vovebit semper

PRÆCLARISSIMORUM NOMINUM VESTRORUM

humillimus cultor

CAROLUS MAGNUS SALGEEN.

Handelsmannen i Stapel-Staden Åbo,

Sögattad

Herr FRIDRIC WIJNQVIST,

Handelsmannen i Sjö-Staden Björneborg,

Sögattad

Herr CARL IN DE BETOU,

Handelsmannen där sammastådes,

Sögattad

Herr MATTHIAS WADEEN,

Gunstige Gynnare.

Mit med tacksamhet årläkna åtniuten ynnest, fordrar hselfwa billigheten. De af mine Herrar mig bewiste vålgärningar åro sannerligen af den mångd, at de ej kunna upräknas, mindre, som sig borde, astjenas. Anseen derföre, Gunstige Herrar, wiljan för förmågan, och upptagen detta Academiska Arbete, såsom et wedermåle af min wördnadfulla tacksamhet. För dfrigt skal jag aldrig underlåta att sända trågna succnigar til den milda Försynen, om Edert och Eder Hederwårda Omvärdnads timmeliga och ewiga wål.

Mine Gunstige Herrars och Gynnares

MULIGHEITEN AV STÖRRE

grundläggande begrepp

CAROLUS MAGNUS SALLGEEN.

ödmjuka tjenare

CARL M. SALLGEEN.

I. N. 3.

§. I.



erum quidem est, quæcunque in sanctis pandectis occurrant effata, veritatibus rationis immutabilibus & necessariis minime repugnare. Nec tamen sobrie rationes subducens diffiteri unquam potest, in illis dogmata, quæ propriissima sint fidei objecta, occurtere, omnem comprehensionis nostræ vim longissime transcendentia. Hæc ratio sibi relata, non tantum ceu incomprehensibilia, tota quanta ignorat, verum etjam, ubi legitimam differendi viam deserit, quod non raro sit, ceu impossibilia &, ut cum Luthero loquar, plane desperata acerrime impugnat quorumque ideo, ceu ~~magistris~~ do ~~magistris~~, notitiam ex

sublimiori principio hauriant mortales, necesse est. Id autem nihil aliud est, quam infallibilis illa sufficientissimaque credendorum & agendorum norma, scriptura divina, sine cuius splendore, necesse est mortales, utut rationales, media in luce cœcutire & a recto deviare tramite. Ut enim, communis orbis oculo, ornamento illo naturæ splendidissimo, sole, privatus terrarum orbis, adeo spissis involveretur tenebris, ut, quo se verterent, nescirent ejus incœlæ, ita iidem, divinæ revelationis destituti lumine, non possent non in horrendas ignorantiaæ, errorum & stultiæ voraginiæ præcipites ruere. Inter veritates, quas illa, revelationem innuo, proponit, magnum illud pietatis mysterium, cuius Apostolus I. Tim. III: comm. 16. meminit, summo jure primum sibi vindicat locum. Oraculum hocce compendium quoddam primiorum, nec paucorum, fidei dogmatum, summi interpretes dudum agnovere. Oceanus itaque, eujus in fundum in hæ vita nemini mortalium penetrare datur, nobis licet se pandat, nec juvenilis imbecilitatis simus nec scii, articulum tamen quendam profundissimi mysterii loco citato: ὁ Θεὸς ἴδιαιών εὐ πίστωσαν, divina freti gratia, brevissimis nobis expicandum sumemus. Interea vero, & dum proposito, pro virium modulo, defungimur labore, firma nos alit spes, Te, C. L. innocua nostra conamina, si opera nostra voto atque desiderio tuo per omnia non respondeat, per tuam æquanimitatem, meliorem in partem benignissime esse interpretaturum.

§. II.

Primo considerandum venit propositionis nostræ subjectum: οες. Versio vulgata, Erasmus, Grotius, Ambrosius, ut nonnulli volunt, quod negant alii, vocem οες penitus omittunt ejusque loco voculam substituunt, ut sensus sit: profecto magnum est pietatis mysterium, quod manifestatum fuit in carne, justificatum in spiritu, apparuit angelis, prædicatum gentibus, creditum in mundo, receptum in gloria. Pro qua lectione tanquam genuina, a Grotio & Socinianis provocari solet ad Interpretes Syrum & Arahem, quos & Stockius citat, ut hujus lectionis Fautores. Sed observatum est a viris, qui in arabicis minime hospites sunt, contrarium potius inde patere. Ad minimum codicem Arabicum Walthonianum Bibliis Polyglottis insertum verbis: Ilaho Zahara, eandem quam nos tueri scriptionem. Nec de Syro hic rem esse extra controversiam quidam monuerunt. ~~τηνοτητα~~ vocis οες evincunt tot illustres codices græci, quibus paucissimi alii præponi haud possunt. Seilicet maximus est hie plerorumque manuscriptorum græcorum consensus, exceptis Claramontano & Lincolniensi codicibus, qui habent ο, præterea Colbertino & Boerneriano, qui οι legunt. Reliqui omnes, testibus fide dignis, οες expresse adhibent. Quam lectionem eo minus rejicere possum, quod violenta plane & absonta sit crisis, uni vel alii codici, quem ipse contextus præterea refellit, quales sunt duo

duo illi, supra memorati, qui & habent, plures, immo plurimos eosque probatissimos postponere. Quanto porro ex ipsis fontibus aquæ dulcius bibuntur, quam rivulis, tanto sane tutius ipsa exemplaria authentica quam versiones sequimur. Duxi modo, ex adoptata illa Claramontani & Lincolnensis codicum lectione varia sequi, quæ contextui repugnant. Nullum sane sensum, qui tolerari potest, sic ex toto fere loco Paulino erues. Quid enim? An doctrina vel mysterium Evangelii apparuit in carne? Num visa est angelis? Num rursum recepta in gloriam? Si hic nihil aliud innuitur, quam quod voluntas DEI manifestata sit per homines infirmos & mortales, ut Grotius & ejus complices fabulantur, non erat hoc mysterium N. Testamento proprium, cum jam in V. Testamento, voluntas DEI per homines infirmos & mortales, Mosen videlicet & Prophetas, fuerit revelata. Annon ordinaria illa fuit patefaciendi voluntatis Divinæ ratio? Risum, non attentionem mereatur illa Smalcii distinctio: Non quamvis voluntatem DEI de salutenostra, sed perfectam, (quasi detur voluntas DEI etiam imperfecta) heic intelligi debere. Nec in DEum Patrem qua dabant Apostoli verba, ut Sociniani, priorem sententiam defendere non valentes, teste Heumanno, volunt. Ut enim Patrem in carne apparuisse nusquam dicit scriptura; Ita nec Pater in Spiritu justificatus, multo minus in gloriam assumtus, eommodo dicitur. Similiter DEum Patrem videri ab angelis, non est magnum quod-

quoddam mysterium, h. est, interprete ipso Smalcio,
res nova, mira & incognita, vel secundum Enjedinum,
res admirabilis & inusitata; cum angeli faciem
Patris cœlestis semper videant, ut patet Matth. XVIII:
10. Est igitur extra omnem dubitationis aleam positi-
tum, sermonem hic de DEO in carne manifestato,
id est, Salvatore nostro, esse. Conf Balduinum in
comment. ad h. l. Heumannii pœcilen Tomo III. sub
titulo: Christologia pauli, nec non Buddeum dis. de justi-
ficatione Chr. in Spiritu & Calovium in Bibl. illust. l.c.

§. III.

Progredimur jam ad propositionis nostræ Prædi-
catum, quod ~~auθιντικὴς~~ ita se habet: ἐδικαιώθη ἐν πνεύ-
μαν. Verbi ~~δικαιοθαί~~, ut in aliis, ita in hocce loco,
forensem esse significatum, prolixa non eget proba-
tione, præsertim, cum haud pauci illorum, qui a-
cerreme nobis hic adversari solent, Pontificios innuo,
הצדיק ו in N. T. δικαιούσι justificare, idem esse ac
justum judicare, declarare & habere, ultro largiantur.
Vide Estium in comm. ad Rom. XI: 13. Cæterum
hoc loco observationem quandam B. Buddei non pi-
gebit afferre, significationem forensem & declarati-
vam multis esse synonyma; id tamen inter illas con-
cedendum discriminis esse, quod significatio declara-
tiva latius, forensis autem strictius pateat, quando
actus justificationis legitima forma forensi instituitur,
legitimusque judex æque ac accusator accusatusque
pariter adsunt. Quo sensu vox justificationis in o-
mnibus Scripturæ locis sumitur, quibus de justifica-

tione hominis peccatoris coram DEO agitur. Quando autem DEUS ab hominibus justificari dicitur, id formaliter processu judiciali neutquam fit; cum homo DEUM, tanquam legitimus iudex, nunquam judicare queat. Quamvis autem DEUS, qua DEUS, propriè non forensi, sed declarativo sensu justificari possit, hoc ipsum tamen de Christo dicendum esse, non statim sequitur. Salvatorem nostrum in secula benedictum, formaliter actu justificatum esse, multis, quem laudavi modo B. vir, demonstravit.

§. IV.

Jam integra phrasis: justificari in spiritu, brevissimis expendenda. Varias hic cumulant Philologi interpretationes, quod Buddei verbis placet efferre: „Pro vario vocis hujus (*πνεύματος*) in Scriptura Sacra significatu variæ et jam hunc in locum exstant doctrinæ expositiones. Hi Spiritum S. ipsum intelligunt, illi vero ejus testimonium, quibusdam justificari in spiritu idem est, ac virtute Divina justificari; quibusdam metonymica placet explicatio, de miraculis Spiritu Sancto effectis id accipientes; Alii verbum spiritus heic ita adsumunt, ut ea omnia in se comprehendat, quæ in Christo Divina sunt supra carnem; Alii vicissim aliter: de quibus copiosius *Jac. Gotthofredus* in exercitatione de mysterio pietatis, quam exhibet *Sculterus* in comment. I ad Timoth. Tom. VII. criticorum sacr. quibus addatur *Wolf.* & *Pfaffius*. Harum tamen duæ præcipue merentur adtingi, altera *Calovii* in

in Bibl. Illustr. ad h. l. Buddei altera. l. c. "Ille, Divi-
nam per *mēvua* intelligens naturam, mentem suam"
ita aperit: quod non tantum voluerit DĒUS conspi-
cuus fieri in carne, h. e. assumere humanam natu-
ram naturam, sed & justificari simul, h. e. ceu ve-
rus Messias agnisci patefieri & celebrari in spiritu,
i. e. per deitatem suam; cum Messias non tantum
debuerit apparere in carne nobisque esse *ipso* *Θ.*,
sed & justificari agnisci & celebrari in Spiritu ve-
rus DĒUS, in quo simul caro & sanguis, i. e. Di-
vina & humana natura appareant, quique & in car-
ne & spiritu conspicuus fiat, & justificetur vel a-
gnoscatur vere, ac reapse verus natura homo & ve-
rus natura DĒUS. *Hic* vero ita: Nostræ interpre-
tationi convenientissimum erit, per *to mēvua* intelli-
gere, vel Spiritum Sanctum, in actu justificationis,
ceu in opere, quod vocant, ad extra, una cum cæ-
teris personis divinitatis concurrentem; vel virtutem
divinam, infinitumque valorem, quo Christus Patri
suo sufficienter satisfecerat hincque justificatus est.
Fallor, an hæ sententiae conjungi possint? Scilicet,
dupli modo Dominus justificari in spiritu poterat,
prout causa ejus diversimode spectatur. Primo de-
bebat, seu jus ipsi erat, cum convictione agnisci non
solum verus homo, de quo nullum ei movebatur du-
biu[m], sed etjam verus DĒUS in una persona, por-
ro & verus in V. T. promissus Messias. Quod jus,
cum plerique ipsi, sub statu exinanitionis, suis dubi-
tationibus & antilogiis, denegarent, injuriam patie-
batur, quæ tollebatur per facta & miracula, vi Di-

vinitatis patrata, quæ ipsum DEUM verumque Messiam arguebant, & quibus plene convinei homines poterant. Non potest negari, id jam factum fuisse sub ipsa ejus exinanitione, & quidem eo gradu, qui adversarios inexcusabiles reddidit. Verba Nicodemi Joh. III: 2. evidentissime hoc evincunt: ἵδαμεν, inquit, certo scilicet. Et quinam? Non certe amici, de quibus non erat sermo, sed, vi contextus, synedrii Assessores, cuius membrum magnæ auctoritatis, & quidem Pharisæus Nicodemus erat. Quid sciebant? ὅπι δέ τοις ἐληλυθας διδάσκαλο. Ex quibus fundamētis? οὐδέτες γὰρ ταῦτα τὰ σημεῖα δύναται ποιεῖ ἀ συμβεῖσ, εἰσ μή οὐδὲ τοις μητ' αὔτου. Causam igitur, cur hi acerrimi hostes convicti essent de Iesu Messia & doctrinæ Ejus veritate, allegat σημεῖα. Hæc vero confessio edita est coram Christo etjamnum exinanito. Quamvis itaque ante Christi exaltationem, jam sufficiētia aderant argumenta, agnoscendi Divinitatem ejus ac veritatem muneris Messiani, tamen cum ex morte ejus, postmodum secuta, gravis utique tentatio ad incredulitatem & dubia varia de veritate eorum, quæ ab ipso percepérant auditores, etjam fidissimis amicis non per omnia excipiendis, oborta es- sent, jure dici potest, plenissime demum post exaltationem seu plenarium usum Majestatis Divinæ, cuius exordium fuit vivificatio & resurrectio, jus Christo competens, deleta, toto orbe velut inspectante, penitus injurja accepta, jus ei redditum, seu eum, qua agnitionem pro DEO & Messia, plenissime justificatum fuisse. Justificari pro usu sacræ paginæ idem esse

esse ac pro vero agnoscí, non male probant quidam,
 dictis quibusdam adductis, qualia sunt Luc. VII: 39.
 Matth. XI: 19 & cætera. Hanc speciem justificatio-
 nis potissimum respexit *Calovius*. Secundo conside-
 rari potest causa Christi ratione sponsionis &, liceat
 hoc termino uti, vicarius pro humano genere.
 Hoc intuitu, Sponsoris jus requirebat, ut, præstata
 sufficientissima satisfactione, ruptis mortis & sepulcri
 claustris, vivus egressus, pactum præmium reporta-
 ret, sicque absolutus ab omni reatu vicario seu imputato
 justus declararetur, quod rursum fiebat per resurrectio-
 nem, & in genere, statum exaltationis. De posterioris
 generis justificatione Christi intelligendus *Buddeus*. Cum
 vero Christo & vindicatio a calumniis adversariorum,
 simulque agnitus omnium pro DEO ac Messia, & libera-
 tio a debito, quod ipsi, loco generis humani incumbebat,
 adeoque utriusque generis justificatio competenteret, ni-
 hil obstat, quo minus utrumque h. l. intelligamus.
 Illustrari hoc potest per res, quæ in terrenis fo-
 ris contingunt. Si cui objicitur eum alium se men-
 titum fuisse, ac sit, & in hac causa, is qui ac-
 cusatur, ostensa innocentia coram judice, triumphat,
 seu justus declaratur, differt quidem hæc a causa
 sponsionis, interim in utraque unus idemque victor
 evadere potest, hoc est, justus declarari. Non sine
 voluptate perceperimus, nobiscum per omnia tere con-
 sentire virum eruditum Dominum *Johannem Georgi-*
um Altmannum, Græcæ linguæ & Moralium Profes-
 forem Bernatem in sermonibus sacris, (*Heil. Reden*)
 A:o MDDXLIV editis. Qamvis enim nihil de con-

jungendis expositionibus *Calovii & Buddei* dicat, tamen
 qua rem eo tendit. Scilicet, postquam pag. 164 seq.
 fusi ostendisset, quomodo **Christus** per Divinam
 suam naturam, operibus, quæ illam arguebant, de-
 monstratus & agnitus fuerit verus **DEUS**, quæ nos
 ad priorem modum justificationis Christi retulimus, pro-
 greditur ad posteriorem his verbis pag. 167: Nicht nur
 ist er gerecht gesprochen durch dieses alles / und als
 der Sohn **GOTTES** erklärt / sondern er ist auch ge-
 recht gesprochen als der vollkommene Mittler und **Hey-**
 land der Welt. Seine auferstehung zeuge / daß er
 der Heyland der Welt sei / der durch Leiden vollkom-
 men gemacht worden / weil er der gerechtigkeit **GOTTES**
 ein genügen gethan / und alle Strafen der Sün-
 den der glaubigen auf einen Tag getilget hatte. Der
 Burge war aus dem Kerker des Todes und des Gra-
 bes auferwecket / weil er die Bezahlung, die er auf sich
 genommen hatte / dem Richter geleistet und dargeleget.
 Hæc eo majori fuerunt voluptati, quod hæc nostra,
 antequam liber viri docti in manus nostras incide-
 re, prelo non modo parata sed &
 commissa erant.



Clarissimo Domino CANDIDATO
Dissertationis hujus AUCTORI,
populari, Fautori & Amico integerrimo.

Mores Tui, Clarissime Domine CANDIDATE, in genii, indoles honestissima, ingenium laudabile, tam præclare cognitum mibi, quem a teneriori usque ætate familiarissime fovisti, affectum excitarunt, cuius bac occasione motus compescere nequeo, quin erumpant publice, lœtitiamque prodant quam ex feliciter exantlatis laboribus TUIS academicis capio singularem. Eruditionem TIBI, non sine grandi labore & industria comparasti egregiam. En lauream, fortibus Apollinis militibus debitam, in signum, haud perfunctoriae litteris navatae operæ, propediem reportabis! Quæ, ut certissimum lætissimumque omen majorum mox TE manentium præriorum sit, animitus excepto! Sinceriori gaudio res TUÆ prosperæ & secundæ affident neminem. Amicitiae TUÆ qui majori studio commendatum se optet, non habebis, quam quo flagrat

TUI

observantissimus
ISAAC SINIUS.